



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 408
fax. +387 33 726 423
e – mail: info@voda.ba

Broj: **UP-1/21-3-40-420-5/25**

Datum: **03.12.2025. godine**

„Agencija za vodno područje rijeke Save“ Sarajevo rješavajući po zahtjevu pravnog lica „C.I.B.O.S.“ d.o.o. Sarajevo, za donošenje rješenja o vodnoj dozvoli za ispuštanje tehnoloških otpadnih voda i oborinskih onečišćenih voda sa lokacije pogona za skladištenje i primarnu preradu sekundarnih sirovina firme „C.I.B.O.S.“ d.o.o. Sarajevo – P.J. Ilijaš, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. Zakona o upravnom postupku („Službene novine Federacije BiH“, broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu „C.I.B.O.S.“ d.o.o. Sarajevo, daje se vodna dozvola za ispuštanje tehnoloških otpadnih voda i oborinskih onečišćenih voda sa lokacije pogona za skladištenje i primarnu preradu sekundarnih sirovina firme „C.I.B.O.S.“ d.o.o. Sarajevo – P.J. Ilijaš, izgrađenog na zemljištu označenom kao k.č. broj 204/18, 204/22, 204/12, 204/13, 204/23, 204/24 i 204/28 K.O. Ilijaš Grad, općina Ilijaš.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na predmetnoj lokaciji i pod slijedećim uslovima:
 - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
 - 3.2. Da pravno lice, „C.I.B.O.S.“ d.o.o. Sarajevo - PJ Ilijaš obezbijedi da se sistem za prikupljanje, prečišćavanje i ispuštanje otpadnih voda sa lokacije poslovnog kompleksa za skladištenje i primarnu preradu sekundarnih sirovina sa pratećim sadržajima, održava u funkcionalnom stanju i koristi u skladu sa namjenom i uslovima iz ove vodne dozvole.
 - 3.3. Korisnik poslovnog objekta za sve vrijeme trajanja ove vodne dozvole, mora obezbijediti da se oborinske onečišćene vode sa saobraćajnih i manipulativnih površina zajedno sa tehnološkim otpadnim vodama nastalim na otvorenim platoima - lagerima namijenjenim za prihvatanje, skladištenje i primarnu preradu sekundarnih sirovina nesmetano prikupljaju sistemom slivnih rešetki i interne kanalizacione mreže, te odvede do uređaja za prečišćavanje onečišćenih voda (taložnik, tipski separatora ulja i naftnih derivata), a zatim preko okna za monitoring priključuju na gradski kanalizacioni kolektor, čiji je krajnji recipijent rijeka Bosna.
 - 3.4. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u skladu sa članom Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20, 96/20 i 1/24).
 - 3.5. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva na osnovu člana 64. stav (3) Zakona o vodama i Pravilnika o uslovima koje moraju ispunjavati ovlaštene laboratorije i sadržini i načinu izdavanja ovlaštenja («Službene novine Federacije BiH», broj 14/10, 14/3, 26/14, 15/17, 23/17 i 41/20), vršiti redovna ispitivanja kvaliteta otpadnih voda, uzimanjem uzorka

efluenta iz dva kontrolnog okna, u skladu sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24) Čišćenje separatora, taložnika i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa predmetne lokacije može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja separatora ulja i masti, neophodno je voditi službenu evidenciju i arhivu.

- 3.6. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
 - 3.7. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.8. Osigurati priručna sredstva za brzu intervenciju u slučaju nekontrolisanog rasipanja opasnog otpada i isticanja naftnih derivata, kako bi se spriječilo moguće onečišćenje voda i tla.
 - 3.9. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12), Poglavlje V – Određivanje koeficijenta zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cijelosti i u propisanim rokovima obavezu plaćanja vodnih naknada.
 5. U periodu važenja ove vodne dozvole, Investitor, odnosno korisnik objekta „C.I.B.O.S.“ d.o.o. Sarajevo je dužan provoditi sve mjere i aktivnosti propisane istom.
 6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
 7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 8. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godine, od dana pravosnažnosti ovog rješenja.
 9. Prije isteka važnosti ove dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.

O b r a z l o ž e n j e

Pravno lice „C.I.B.O.S.“ d.o.o. Sarajevo, obratilo se ovoj Agenciji sa zahtjevom za ispuštanje tehnoloških otpadnih voda i oborinskih onečišćenih voda sa lokacije pogona za skladištenje i primarnu preradu sekundarnih sirovina firme „C.I.B.O.S.“ d.o.o. Sarajevo – P.J. Ilijaš, izgrađenog na zemljištu označenom kao k.č. broj 204/18, 204/22, 204/12, 204/13, 204/23, 204/24 i 204/28 K.O. Ilijaš Grad, općina Ilijaš.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

- Ovjereni kopiji Aktuelnog izvoda iz sudskog registra Općinskog suda u Sarajevu, broj: 065-0-RegZ-25-011391 od 09.09.2025. godine;

- Kopija uvjerenja o registraciji poreznog obveznika, izdatog od strane Federalnog ministarstva finansija, Porezna uprava - Kantonalni porezni ured Sarajevo od dana 28.12.2023. godine;
- Kopija Rješenja o odobrenju za građenje, za uspostavljanje pogona za skladištenje sekundarnih sirovina, izdato od strane Službe za prostorno uređenje i stambeno-komunalne poslove Općine Ilijaš, broj: 05/1-23-559/14 od 07.04.2014. godine;
- Kopija Rješenja o Okolišnoj dozvoli izdatog od strane Ministarstva komunalne privrede, infrastrukture, prostornog uređenja, građenja i zaštite okoliša, broj: 05.03/2-19-6039/23 od 12.06.2025. godine;
- Kopija Rješenja o vodnoj dozvoli, izdato od strane Agencije za vodno područje rijeke Save broj: UP-I/25-3-40-540-4/20 od 18.01.2021. godine;
- Kopija Ugovora o pružanju usluga - preuzimanju, manipulaciji, skladištenju i krajnjem zbrinjavanju opasnog otpada iz procesa rada, sklopljen sa „AIDA-COMMERCE“ d.o.o. Sarajevo, sklopljen dana 05.10.2021. godine;
- Izvještaji o monitoringu kvaliteta i kvantiteta otpadnih voda za „C.I.B.O.S.“ d.o.o. Ilijaš, urađen od strane „TQM“ d.o.o. Lukavac, april 2025. godine;
- Glavni projekat o korištenju voda, prikupljanju, transportu, prečišćavanju otpadnih voda unutar kruga poslovnog objekta C.I.B.O.S.“ d.o.o. Ilijaš, urađen od strane „DIWANX“ Sarajevo, oktobar 2016. godine;
- Dokaz o uplaćenju upravnoj pristojbi.

Postupajući po podnesenom zahtjevu, u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20), ovaj organ je pokrenuo upravni postupak, te je dana 06.11.2025. godine izvršen pregled predmetnog pogona za skladištenje i primarnu preradu sekundarnih sirovina sa pratećim sadržajima, o čemu je sačinjen Zapisnik o uviđaju broj: UP-1/21-3-40-420-2/25.

Na osnovu izvršenog uviđaja na licu mjesta je utvrđeno:

Pogon za skladištenje i primarnu preradu sekundarnih sirovina smješten je u ulici Industrijska zona Željezara u Ilijašu. Pogon se sastoji od: otvorenog skladišta za željezo, otvorenog skladišta za limove, prostora za presovanje i rezanje metala, otvorenog prostora sa vagonom, prostora za garderobu i upravne zgrade. Objekti koji se nalaze na lokaciji su: prostor kruga, površina za tretman sekundarnih sirovina, mehanička radionica i prostor za prijem i skladištenje obojenih metala.

Na predmetnoj lokaciji se nalaze dva lagera za prihvatanje i preradu sekundarnih sirovina, na kojima nastaju tehnološke otpadne vode, koje se zajedno sa oborinskim onečišćenim otpadnim vodama sa saobraćajnih i parking površina prikupljaju putem slivnika sa rešetkom i internom kanalizacionom mrežom odvođene do uređaja za prečišćavanje otpadnih voda (taložnik, tipski separatora ulja i naftnih derivata), a zatim preko okna za monitoring priključuju na gradski kanalizacioni kolektor, čiji je krajnji recipijent rijeka Bosna.

Na osnovu pregleda projektne dokumentacije, utvrđenog činjeničnog stanja i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i prava na vode dodijeljena drugim korisnicima, podnosiocu zahtjeva su ovom vodnom dozvolom u tački 3. dispozitiva Rješenja, propisani uslovi kojih se dužan pridržavati pri korištenju objekta, u skladu sa Zakonom o vodama, Pravilnikom o sadržaju, obliku, uvjetima, načinu izdavanja i čuvanja vodnih akata i Uredbom o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva ispunio minimum uslova za izdavanje vodne dozvole za ispuštanje tehnoloških otpadnih voda i oborinskih onečišćenih voda sa predmetne lokacije, te je riješeno kao u dispozitivu ovog Rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarifi federalnih upravnih taksi („Službene novine Federacije BiH”, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.


Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.ing.građ.

Prilog:

Glavni projekat o korištenju voda, prikupljanju, transportu, prečišćavanju otpadnih voda unutar kruga poslovnog objekta „C.I.B.O.S.” d.o.o. Ilijaš, urađen od strane „DIWANX” d.o.o. Sarajevo, oktobar 2016. godine.

Po ovlaštenju
Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- „C.I.B.O.S.” d.o.o. Sarajevo, Industrijska zona Željezara 5, 71 380 Ilijaš (prilog)
- ☉ AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava